



# SLUŽBENI GLASNIK OPĆINE TEŠANJ

<b>IZDAVAČ:</b> Općinsko vijeće Tešanj <b>UREĐUJE:</b> Stručni odjel Općine Tel. <b>032/650-022</b> Trg Alije Izetbegovića 11, 74260 Tešanj E-mail: <a href="mailto:optesanj@bih.net.ba">optesanj@bih.net.ba</a>	Godina XLVII - <b>Broj 3</b> Srijeda, 05.03.2014. godine <b>T E Š A N J</b>	<b>ŠTAMPA:</b> Općina Tešanj Kompjuterska priprema: Stručni odjel Općine “Službeni glasnik” izlazi po potrebi
--	---	--

Na osnovu člana 53. i 63. Zakona o građenju (“Službene novine ZDK”, broj: 1/05, 2/08, 15/09 i 13/11) člana 8. alineja 8. i člana 13. alineja 7. Zakona o principima lokalne samouprave u Federaciji BiH (“Službene novine ZDK”, broj: 49/06) i člana 14. Statuta općine Tešanj (“Službene glasnik općine Tešanj”, broj: 11/07) Općinsko vijeće Tešanj na svojoj 16. sjednici održanoj dana 27.02.2014.g., donosi

## **ODLUKU**

### **o izmjenama Odluke o posebnim uslovima rješavanja statusa izgrađenih objekata**

#### **Član 1.**

U Odluci o posebnim uslovima rješavanja statusa izgrađenih objekata (“Službene glasnik općine Tešanj”, broj: 7/11), mijenja se član 1. tako da glasi: “Ovom Odlukom utvrđuju se posebni uslovi za rješavanje statusa izgrađenih i započetih objekata na području općine Tešanj (bespravno izgrađeni i započeti objekti u obuhvatu svih prostorno planskih dokumenata koji su na snazi, bez obzira na namjenu a za koje se podnese zahtjev za legalizaciju i zahtjev za rješavanje imovinsko-pravnih odnosa u nadležnoj općinskoj službi do roka utvrđenog zakonom o građenju), kao i uslovi za izdavanje urbanističke saglasnosti za započete i izgrađene objekte i rješavanje imovinsko-pravnih odnosa za iste”.

#### **Član 2.**

U Odluci o posebnim uslovima rješavanja statusa izgrađenih objekata (“Službene glasnik općine Tešanj”, broj: 7/11), mijenja se član 6. tako da glasi: “Troškovi koji nastaju u postupku rješavanja statusa objekata iz ove odluke, a koji su prihod općine (administrativne takse, naknade i sl.), podnosioci zahtjeva, na njihov zahtjev, mogu platiti u najviše

24 rate, s tim da ukupan iznos bude uplaćen najduže u roku od 2 (dvije) godine od dana donošenja.

Rješenja o odobrenju za legalizaciju objekta, o čemu će se donijeti posebno Rješenje.”

#### **Član 3.**

U Odluci o posebnim uslovima rješavanja statusa izgrađenih objekata (“Službene glasnik općine Tešanj”, broj: 7/11), mijenja se član 8. tako da glasi :

“Kod donošenja Rješenja urbanističke saglasnosti za započete i izgrađene objekte, kao i na rješavanje imovinsko-pravnih odnosa (za koje nije podnesen zahtjev za legalizaciju) primjenjuju se odredbe usvojenih Odluka o provođenju prostorno-planske dokumentacije.”

#### **Član 4.**

Odredbe ove Odluke primjenjivat će se i na zahtjeve za izdavanje urbanističke saglasnosti za započete i izgrađene objekte koji su podneseni prije donošenja iste.

#### **Član 5.**

Ovom Odlukom stavlja se van snage Odluka o izmjenama Odluke o posebnim uslovima rješavanja statusa izgrađenih objekata (“Službene glasnik općine Tešanj”, broj: 2/12).

#### **Član 6.**

Ova Odluka stupa na snagu narednog dana od dana objavljivanja Službenog glasnika općine Tešanj.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, s.r.**

**Broj: 06-02-1-316-2/14**

**Datum: 28.02.2014.godine**

Na osnovu člana 14. stav 4., a u vezi sa članom 16. stavom 2., 4. i 5. Zakona o eksproprijaciji ("Službene novine FBiH", broj: 70/07 i 36/10) i člana 14. stav 4. Statuta općine Tešanj ("Službeni glasnik Općine Tešanj", broj: 11/07), rješavajući po prijedlogu Općinskog pravobranilaštva Općine Tešanj i Doboju-Jug, za utvrđenje javnog interesa u cilju izgradnje primarnih kolektora sistema prikupljanja i odvodnje otpadnih voda na području općine Tešanj, Općinsko vijeće Tešanj, na 16. sjednici održanoj, dana, 27.02.2014.godine, donosi

### **O D L U K U**

**1.UTVRĐUJE SE DA JE OD JAVNOG INTERESA** izgradnja primarnih kolektora sistema prikupljanja i odvodnje otpadnih voda na području općine Tešanj, pa se radi postavljanja i održavanja vodovodnih cijevi može pristupiti nepotpunoj eksproprijaciji (ustanovljenju služnosti) na dijelovima parcela upisanih u K.O. Tešanjka, Medakovo, Raduša, Jelah, Mekiš, Tešanj I, Tešanj II, Piljužići, Lepenica, Kalošević, Jevadžije, Novo Selo, Rosulje, Mrkotić, Miljanovci Donji i Kraševo (dijelovi predmetnih parcela utvrđeni su Idejnim projektom urađen od strane IPSA INSTITUT d.o.o. Sarajevo).

2.Utvrđuje se da je Općina Tešanj korisnik nepotpune eksproprijacije na dijelovima parcelama koje će biti označene u rješenju koje donese nadležna Služba u postupku ustanovljenja služnosti.

3. Shema primarnih kolektora prikazana je u Idejnom projektu urađen od strane IPSA INSTITUT d.o.o. Sarajevo

4.Protiv ove Odluke može se pokrenuti upravni spor podnošenjem tužbe Kantonalnom sudu u Zenici u roku od 30 dana računajući od dana prijema ove Odluke. Tužba se podnosi neposredno sudu.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj:01-31-3-115-4/14**

**Datum: 28.02.2014.godine**

Na osnovu člana 8. i člana 13. Alineja 5. Zakona o principima lokalne samouprave u FBiH ("Službeni novine FBiH", broj: 49/06) i člana 14. Statuta Općine Tešanj ("Službeni glasnik Općine Tešanj", broj: 11/07), Općinsko vijeće Tešanj, na svojoj 16. sjednici održanoj, dana, 27.02.2014. godine, donosi

### **O D L U K U**

**o usvajanju i pokretanju aktivnosti radi privođenja namjeni Idejnim projektom prikazanog koncepta izgradnje javne garaže na lokalitetu benzinske pumpe INA kod stambenog naselja Simetrale u Tešnju**

#### **Član 1.**

USVAJA SE Idejnim projektom prikazan koncept "Javne garaže Tešanj" urađen od strane "Aksa" doo Zenica, na lokalitetu benzinske pumpe INA kod stambenog naselja Simetrale u Tešnju.

#### **Član 2.**

Ovlašćuje se općinski načelnik i nadležne službe da poduzmu sve radnje i aktivnosti u cilju realizacije poslova potrebnih za /izgradnju objekta/ u skladu sa Idejnim projektom iz člana 1. ove Odluke (uklanjanje privremenog objekta, eventualne zamjene nekretnine, te poduzimanje svih potrebnih radnji vezano za rješavanje imovinsko pravnih odnosa, te rješavanja pitanja prenosa prava na zemljištu u korist investitora).

#### **Član 3.**

Ova Odluka stupa na snagu narednog dana od dana objavljivanja u "Službenom glasniku Općine Tešanj."

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-31-8- 58-13/14**

**Datum: 28.02.2014.godine**

Na osnovu člana 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na 16. sjednici održanoj 27.02.2014.godine donosi

### **O D L U K U**

**o objavljivanju Javnog oglasa za imenovanje članova Općinske izborne komisije Tešanj**

**Član 1.**

Ovom odlukom utvrđuje se obavljanje javnog oglasa za imenovanje 4 (četiri) člana Općinske izborne komisije Tešanj.

**Član 2.**

Javni oglas iz člana 1. ove odluke objavit će se najmanje u jednom dnevnom listovu koji izlazi na području Bosne i Hercegovine, web stranici Općine Tešanj i lokalnim medijima sa kojima postoje zaključeni ugovori.

Javni oglas iz člana 1. ove odluke ostaje otvoren 8 (osam) dana od dana objavljivanja.

Javni oglas čini sastavni dio ove odluke.

**Član 3.**

Kandidati za člana Općinske izborne komisije trebaju ispunjavati opće uslove propisane Izbornim zakonom BiH i posebne uslove propisane Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u BiH.

Mandat članova Općinske izborne komisije traje 7 (sedam) godina računajući od dana davanja saglasnosti Centralne izborne komisije BiH na odluku o imenovanju članova Općinske izborne komisije koju donese Općinsko vijeće Tešanj.

**Član 4.**

Postupak po raspisanom javnom oglasu iz člana 1. i 2. ove odluke provest će Konkursna komisija koju Općinsko vijeće formira posebnim rješenjem.

**Član 5.**

Ova odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE****PREDSJEDAVALJUĆI VIJEĆA****Fuad Šišić, s.r.****Broj: 01-05-3-289-3/14****Datum: 28.02.2014. godine**

Na osnovu člana 2.12 stav (5) Izbornog zakona Bosne i Hercegovine ("Službeni glasnik BiH", broj 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10 i 18/13), člana 7. Uputstva o utvrđivanju kvalifikacije, broja i imenovanju članova izborne komisije osnovne izborne jedinice u Bosni i Hercegovini ("Službeni glasnik BiH", broj

9/10, 37/10 i 74/11), Odluke o objavljivanju javnog oglasa za imenovanje članova Općinske izborne komisije Tešanj broj 01-05-3-289-4/14 i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na 16. sjednici održanoj 27.02.2014. godine donosi

**JAVNI OGLAS****za imenovanje 4 člana  
Općinske izborne komisije Tešanj****I**

Raspisuje se javni oglas za imenovanje 4 (četiri) člana Općinske izborne komisije Tešanj.

Članove Općinske izborne komisije imenuje Općinsko vijeće Tešanj, uz saglasnost Centralne izborne komisije BiH, na period od 7 (sedam) godina.

**II**

U skladu sa Uputstvom o utvrđivanju kvalifikacija, broja i imenovanju članova izborne komisije osnovne izborne jedinice u BiH zainteresirani kandidati moraju ispunjavati opće uslove:

1. Da imaju pravo glasa;
2. Da posjeduju odgovarajuću stručnost i iskustvo u provođenju izbora.

Pored općih uslova, zainteresirani kandidati moraju ispunjavati i posebne uslove:

1. Da imaju prebivalište u općini Tešanj;
2. Da imaju završen pravni fakultet, odnosno VII/1 stepen stručne spreme društvenog smjera, ili završenu višu školu, odnosno VI/1 stepen stručne spreme društvenog smjera;
3. Da posjeduju iskustvo u provođenju izbora (članstvo u izbornoj komisiji; članstvo u biračkom odboru; rad u stručnim organima koji su pružali pomoć u provođenju izbora; objava stručnih i naučnih radova iz oblasti izbora).

Izuzetno od odredbi posebnih uslova pod brojem 2. član Općinske izborne komisije može biti lice sa VII/1 stepenom stručne spreme i drugog smjera ukoliko posjeduje iskustvo u radu izborne komisije u trajanju od najmanje dvije godine od stupanja na snagu Izbornog zakona BiH.

Izuzetno od odredbi posebnih uslova pod brojem 3. član Općinske izborne komisije može biti lice koje ima završen pravni fakultet, odnosno VII/1 stepen stručne.

Sastav općinske izborne komisije mora biti multietničan tako da odražava zastupljenost konstitutivnih naroda uključujući i ostale vodeći

računa o posljednjem popisu stanovništva provedenom na državnom nivou.

U sastavu općinske izborne komisije nastojat će se osigurati da broj članova manjeg zastupljenog pola bude najmanje 1/3 od ukupnog broja članova.

### III

Za člana Općinske izborne komisije **ne može** biti imenovano lice:

- Koje se ne može kandidovati u smislu odredaba članova 1.6., 1.7. i 1.7a. Poglavlje I Izbornog zakona Bosne i Hercegovine;
- Koje je član najvišeg izvršno – političkog organa političke stranke ili koalicije (predsjednik, podpredsjednik, generalni sekretar ili član izvršnog odbora ili glavnog odbora);
- Koje je nosilac izabranog mandata ili član izvršnog odbora organa vlasti, osim u slučajevima predviđenim članom 2.12./stav 4. Poglavlje II Izbornog zakona Bosne i Hercegovine;
- Koje je kandidat za izbore na bilo kojem nivou vlasti;
- Kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje 4 (četiri) godine, računajući od dana pravosnažnosti odluke;
- Koje je pravosnažnom sudskom presudom osuđeno na kaznu zatvora u trajanju od šest mjeseci ili duže.

### IV

Uz prijavu na ovaj oglas, potrebno je dostaviti sljedeću dokumentaciju:

1. Kraću biografija sa ličnim podacima kandidata (ime, ime oca, prezime, jedinstveni matični broj, adresa, broj telefona za kontakt);
2. Ovjerenu kopija diplome o završenom stepenu i vrsti stručne spreme;
3. Dokaz o izbornom iskustvu za kandidata (potvrda Općinske izborne komisije o radu na biračkom mjestu, rješenje o imenovanju u Općinsku izbornu komisiju ili birački odbor, ili neki drugi dokaz koji može potvrditi da kandidat ima izbornu iskustvo);
4. Svojeručno potpisana izjava i ovjerena od nadležnog organa, o nacionalnoj pripadnosti;
5. Svojeručno potpisana izjava i ovjerena od nadležnog organa, o nepostojanju smetnji iz člana 2.3. i 2.12. Izbornog zakona Bosne i Hercegovine (da nije član najvišeg izvršno – političkog tijela političke stranke ili koalicije, da nije kandidat za izbore za bilo koji nivo vlasti, da nije izrečena

kazna za težu povredu Izbornog zakona ili propisa za koje je lice lično odgovorno, u posljednje 4 (četiri) godine, računajući od dana pravosnažnosti odluke, da nije pravosnažnom sudskom presudom osuđen na kaznu zatvora u trajanju od 6 mjeseci i duže);

6. Uvjerenje o prebivalištu izdato od CIPS-a..

### V

Zadatak Općinske izborne komisije:

nadgleda i kontroliše rad Centra za birački spisak iz člana 3.8 Izbornog zakona BiH; određuje biračka mjesta na području općine za glasanje na svim nivoima vlasti u Bosni i Hercegovini; provodi postupak imenovanja, imenuje i obučava članove biračkog odbora; brine o sigurnosti i dostavi biračkim odborima izbornog materijala za glasanje na svim nivoima izbora u Bosni i Hercegovini; obavještava birače o svim informacijama neophodnim za provedbu izbora, u skladu sa propisima Centralne izborne komisije BiH; odgovorna je za uređenje biračkog mjesta i druge tehničke pripreme za izbore; odgovorna je za pravilno brojanje glasačkih listića na biračkim mjestima i u općinskim centrima za brojanje; objedinjuje rezultate izbora sa svih biračkih mjesta u općini, posebno za svaki organ za koji je vršen izbor, i dostavlja ih Centralnoj izbornoj komisiji BiH; obavlja druge poslove u skladu sa zakonom i propisima Centralne izborne komisije BiH.

### VI

Po zatvaranju Javnog oglasa, Konkursna komisija izvršit će klasifikaciju kandidata.

Sa kandidatima koji ispunjavaju uslove Javnog oglasa, Konkursna komisija će obaviti intervju (na uvid donijeti ličnu kartu), nakon čega će sačiniti rang listu sa redoslijedom kandidata prema uspjehu postignutom na intervjuu i pismeni izvještaj podnijeti Općinskom vijeću Tešanj, najkasnije u roku od 15 dana od dana zatvaranja Javnog poziva. Općinsko vijeće Tešanj će, cijeneći položaj kandidata na rang listi, izvršiti imenovanje i svoju Odluku dostaviti na saglasnost Centralnoj izbornoj komisiji BIH.

### VII

Krajnji rok za podnošenje prijave je 8 (osam) dana od dana objave Javnog oglasa u dnevnom listu.

Pismene prijave se podnose Konkursnoj komisiji, na adresu Trg Alije Izetbegovića 11, 74260 Tešanj. Prijave dostaviti u zatvorenoj koverti, sa naznakom: „PRIJAVA NA JAVNI OGLAS ZA ČLANA OPĆINSKE IZBORNE KOMISIJE – NE OTVARATI“.

Nepotpune i neblagovremene prijave neće biti uzete u razmatranje.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-05-3-289-4/14**

**Datum: 17.02.2014. godine**

Na osnovu člana 7. tačka a) Uputstva o utvrđivanju kvalifikacije, broja i imenovanju članova izborne komisije osnovne jedinice izborne jedinice u Bosni i Hercegovini ("Službeni glasnik BiH", broj 9/10, 37/10 i 74/11) i člana 14. Statuta Općine Tešanj ("Službeni glasnik Općine Tešanj" broj 11/07) Općinsko vijeće Tešanj na 16. sjednici održanoj 27.02.2014.godine donosi

**R J E Š E N J E**

**o imenovanju komisije za provođenje  
postupka za imenovanje članova općinske  
izborne komisije**

**I**

Za postupak provođenja javnog oglasa za imenovanje članova općinske izborne komisije formira se komisija u sljedećem sastavu:

1. Rasim Omerbašić,
2. Irela Čolić,
3. Jasmin Bajraktarević,
4. Almir Bedak,
5. Lejla Galijašević.

**II**

Zadatak Komisije iz tačke I ovog rješenja je:

- da pregleda pristigle prijave na javni oglas i utvrdi njihovu blagovremenost, urednost i formalnu ispravnost;
- da sa kandidatima, koji ispunjavaju uslove javnog oglasa, obavi intervju i sačini rang listu sa redoslijedom kandidata prema uspjehu postignutom na intervju;
- po zatvaranju javnog oglasa konkursna komisija podnosi pisani izvještaj Općinskom vijeću, u kojem navodi sve relevantne podatke za svako lice koje je podnijelo zahtjev po javnom oglasu. U navedenom izvještaju konkursna komisija vrši klasifikaciju kandidata na one koji ispunjavaju uslove tražene javnim oglasom i na one koji ne ispunjavaju uslove.

**III**

Komisija ostvaruje pravu na naknadu u skladu sa važećom odlukom Općinskog vijeća.

**IV**

Ovo rješenje stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-05-3-289-3/14**

**Datum: 28.02.2014. godine**

Na osnovu člana 5., a u vezi sa članom 2. Zakona o prometu nepokretnosti ("Službeni list SRBIH", broj: 38/78, 4/79, 29/90, 22/91 i "Službeni list RBiH", broj: 21/92, 3/93 i 16/94), u vezi sa članom 13. Alineja 5. Zakona o principima lokalne samouprave u Federaciji Bosne i Hercegovine („Službene novine FBiH“, broj:49/06) i člana 14. Statuta Općine Tešanj ("Službeni glasnik Općine Tešanj, broj: 11/07), Općinsko vijeće Tešanj na svojoj 16.sjednici održanoj dana 27.02.2014.godine d o n o s i

**R J E Š E N J E**

**I.** Općinsko vijeće Općine Tešanj daje saglasnost da se bez naknade izvrši promjena upisa na zemljištu državne svojine sa pravom korištenja Skupština opštine Tešanj u korist Mešinović (Alije) Šemsa, Tešanj i Dautefendić (Alije) Tahira r. Sinanović, Tešanj, označenog kao:

**I.I.** -s.p.k.č.br. 2731/3 zv."Luka" kuća i zgrade površine 24m<sup>2</sup>, njiva 3. klase površine 328m<sup>2</sup> i njiva 4. klase površine 863m<sup>2</sup>, ukupne površine 1215m<sup>2</sup> upisano u z.k.ul.br. 6322 za K.O. Tešanj vlasništvo na nekretnini A. Lista državna svojina sa dijelom 1/1 i na nekretnini A. Lista pravo korištenja Skupština opštine Tešanj sa dijelom 1/1 (n.p.k.p.br. 59/1 zv."Luka" kuća i zgrade površine 24m<sup>2</sup>, njiva 3. klase površine 328m<sup>2</sup> i njiva 4. klase površine 863m<sup>2</sup> upisano u PL br. 2518 za K.O. Raduša korisnik Mešinović (Alije) Šemsa, Tešanj, Krndija, TKB 1/8 sa dijelom 1/1),

**I.II.** -s.p.k.č.br. 2731/18 zv."Luka" njiva 3. klase površine 132m<sup>2</sup> i njiva 4. klase površine 140m<sup>2</sup>, ukupne površine 272m<sup>2</sup> upisano u z.k.ul.br.6322 za K.O. Tešanj vlasništvo na nekretnini A. Lista državna svojina sa dijelom 1/1 i na nekretnini A.

Lista pravo korištenja Skupština opštine Tešanj sa dijelom 1/1 (n.p. k.p.br. 59/3 zv."Luka" oranica/njiva 4. klase površine 140m<sup>2</sup> i oranica/njiva 3. klase površine 132m<sup>2</sup> upisano u PL br. 1720 za K.O. Raduša korisnik Daufefendić (Alije) Tahira r. Sinanović, Tešanj, Patrotske lige bb sa dijelom 1/1.

**II.** Nakon pravosnažnosti ovog Rješenja, Zemljišno knjižni ured Općinskog suda u Tešnju će na nekretninama označenim kao u tački I.I. ovog Rješenja izvršiti brisanje ranijeg upisa, te izvršiti uknjižbu prava vlasništva u korist; -Mešinović (Alije) Šemsa, Tešanj, Krndija, TKB 1/8 sa dijelom 1/1, dok će na nekretninama označenim kao u tački I.II. ovog Rješenja izvršiti brisanje ranijeg upisa, te izvršiti uknjižbu prava vlasništva u korist; -Daufefendić (Alije) Tahira r. Sinanović, Tešanj, Patrotske lige bb sa dijelom 1/1.

**III.** Sastavni dio ovog Rješenja čini kopija katastarskog plana na kojoj je označeno zemljište za koje se vrši promjena upisa.

**IV.** Obavezuju se Mešinović Šemsa i Daufefendić Tahira da snose troškove postupka, te u roku od 8 dana računajući od dana pravosnažnosti ovog rješenja na račun budžeta Općine Tešanj kod Vakufske banke d.d.Sarajevo, broj:1603000330017641; šifra općine; 090, vrsta prihoda; 722516 uplate iznos od 210,00KM, a dokaz o izmirenoj obavezi dostave općinskom organu uprave nadležnom za imovinsko pravne poslove, Općine Tešanj u navedenom roku, uz napomenu da je općinska administrativna taksa u iznosu od 50,00KM uplaćena prilikom podnošenja zahtjeva.

**V.** Ovo rješenje ima se objaviti u "Službenom glasniku Općine Tešanj."

### **O b r a z l o ž e n j e**

Kod ovog organa podnesen je zahtjev od strane Mešinović Šemse i Daufefendić Tahire iz Tešnja, radi uknjižbe prava vlasništva na zemljištu oznake k.p.br.59/1 i k.p.br.59/3 za K.O. Raduša koje je prema podacima katastra upisano na fizička lica kao privatni posjed, dok je prema podacima zemljišne knjige isto upisano kao vlasništvo državna svojina sa dijelom 1/1 sa pravom korištenja Skupština opštine Tešanj sa dijelom 1/1. Na osnovu izjave podnositeljice zahtjeva istaknuto je da ostaju kod podnesenog zahtjeva, da se ne protive dostavljenim podacima od strane geodete, te traže da se parcela 2731/3 ukupne površine

1215m<sup>2</sup> za K.O. Tešanj koja je upisana kao državno vlasništvo briše sa tog upisa i upiše kao vlasništvo Mešinović Šemsa sa dijelom 1/1, a koja je u katastru označena kao k.p.br. 59/1 posjed Mešinović Šemsa sa dijelom 1/1, te da se parcela 2731/18 ukupne površine 272m<sup>2</sup> za K.O. Tešanj koja je upisana kao državno vlasništvo briše sa tog upisa i upiše kao vlasništvo Daufefendić Tahira sa dijelom 1/1, a koja je u katastru označena kao k.p.br. 59/3 posjed Daufefendić Tahira sa dijelom 1/1, da je kroz izjavu geodete potvrđeno da je zemljište od prije 1981.g. bilo njihovo privatno, odnosno vodilo se na njihovom ocu, da su iza oca naslijedili zemljište i da na istom imaju izgrađeni objekti, da nikada niko od države nije dolazio i rekao da to nije njihovo, da su se iznenadili sa tim upisom jer je njihov otac zemljište kupio od Ferizbegović Emire rođ. Eminagić, odnosno njihov amidža Sinanović Šaban kupio je zemljište u ime njihovog oca Sinanović Alije koji je radio u Austriji i traže da se izvrši brisanje državne svojine i izvrši upis vlasništva kako je to naprijed navedeno, da je zemljište privatno potvrđuju takođe navodi geodete, da su okolne parcele privatno vlasništvo, odnosno da zemljište koje graniči sa njihovim prema podacima gruntovnice privatno.

Na osnovu izjave svjedoka Subašić (Alije) Huso iz Raduše, starosti 77.g. ustanovljeno je da je od Ferizbegović Emire kupio zemlju 1959. g. , da je nakon toga parcelu od iste osobe kupio Sinanović Alija sin Atifa, da nije znao da se u papirima parcela vodi kao državna svojina, da su sve te parcele bile Ferizbegović Emire, da nikad nije bilo ometanja u korištenju i uživanju, da postoje papiri da su kupili zemljište, da je predmetno zemljište Sinanović Alije, koje je kasnije prešlo na njegove nasljednike, da nikad nije zemljište bilo državno

Nakon podnesenog zahtjeva radi upisa prava vlasništva na zemljištu označenom ustanovljeno je da je s.p.k.č.br. 2731/3 zv. "Luka" kuća i zgrade površine 24m<sup>2</sup>, njiva 3. klase površine 328m<sup>2</sup> i njiva 4. klase površine 863m<sup>2</sup> upisano u z.k.ul.br. 6322 za K.O. Tešanj vlasništvo na nekretnini A. Lista državna svojina sa dijelom 1/1 i na nekretnini A. Lista pravo korištenja Skupština opštine Tešanj sa dijelom 1/1, n.p.k.p.br. 59/1 zv. "Luka" kuća i zgrade površine 24m<sup>2</sup>, njiva 3. klase površine 328m<sup>2</sup> i njiva 4. klase površine 863m<sup>2</sup> upisano u PL br. 2518 za K.O. Raduša korisnik Mešinović (Alije) Šemsa, Tešanj, Krndija, TKB 1/8 sa dijelom 1/1, te s.p.k.č.br. 2731/18 zv. "Luka" njiva 3. klase površine 132m<sup>2</sup> i njiva 4. klase površine 140m<sup>2</sup>

upisano u z.k.ul.br. 6322 za K.O. Tešanj vlasništvo na nekretnini A. Lista državna svojina sa dijelom 1/1 i na nekretnini A. Lista pravo korištenja Skupština opštine Tešanj sa dijelom 1/1 (n. p. k.p.br. 59/3 zv. "Luka" oranica/njiva 4. klase površine 140m<sup>2</sup> i oranica/njiva 3. klase površine 132m<sup>2</sup> upisano u PL br. 1720 za K.O. Raduša korisnik Daufefendić (Alije) Tahira r. Sinanović, Tešanj, Patrotske lige bb sa dijelom 1/1. Takođe je ustanovljeno da se radi o parcelama koje su u katastru zemljišta upisane na Mešinović Šemsu i Daufefendić Tahiru, da su nekretnine u zemljišno knjižnom uložku upisane na vlasništvo državne svojine sa pravom korištenja skupštine opštine Tešanj na osnovu rješenja o naslijeđivanju br. O.214/90 od 06.11.1990.g. kojim je utvrđena "zaostavština iza pokojne Ferizbegović rođ. Eminagić Emire iz Tešnja" u kojem se od nekretnina pominju nekretnine upisane u z. k. ul. br. 4133, 4560, 2252, te k. č. br. 2731/3, 28/1 i 2873 sve upisano za K.O. Tešanj, te je parcela 2731/3 i parcela 2731/18 preuzete iz z.k.ul.br. 4133 za K.O. Tešanj u z.k.ul.br. 6322 za K.O. Tešanj.

U postupku je općinsko pravobranilaštvo dalo izjavu na Zapisnik kod ovog organa dana, 23.01.2014.g. u kojoj je istaknuto da obzirom na činjenicu da kroz dostupnu dokumentaciju Općina Tešanj nije nikada koristila predmetnu nekretninu, te obzirom na Izjašnjenje i nalaz stručnog lica geodetske struke, kao i izjavu stranke u postupku, općinsko pravobranilaštvo se neće protiviti podnesenom zahtjevu i smatra da se istom može udovoljiti.

Obzirom na utvrđene činjenice da je zemljište prednik podnosilaca zahtjeva stekao na osnovu pravnog posla odnosno, kupoprodajnog ugovora od 16.11.1965.g., da je zemljište u starom katastarskom operatu upisano na dijelu matične parcele br. 2731/2 zv. "Luka" ukupne površine 4910m<sup>2</sup> upisana kao posjed Sinanović Atifa Alije sa dijelom 1/1, od koje su nastale parcele 2731/3 i 2731/18, da prema podacima premjera Tešanj-Grad od 1967.g. navedeni dio zemljišta označen kao k.č.br. 1024/1 bio upisan u PL br. 546 kao posjed Sinanović Atifa Alije sa dijelom 1/1, da je ovaj premjer bio na snazi do stupanja na snagu tzv. novog premjera odnosno 01.07.1981.g., kada je zemljište u katastru upisano na Sinanović Atifa Aliju na osnovu Popisnog lista koji datira od 17.11.1979.g., da je na osnovu Rješenja o naslijeđivanju br. 39 0 O 023505 12 O od 30.03.2012.g. izdatog od Općinskog suda u Tešnju izvršen u katastru zemljišta prenos prava na predmetnim nekretninama na nasljednike iza

umrlog Sinanović Alije, a daljom diobom, odnosno cijepanjem parcela i diobnim Ugovorom OPU. 897/2013 od 24.07.2013.g. predmetne parcele su upisane na sadašnje korisnike zemljišta, da na zemljištu koje je u katastru označeno kao k.p.br. 59/1 i k.p.br. 59/3, obje upisane za K.O. Raduša, postoje izgrađeni objekti, da je uvidom u planove i u katastarski operat konstatovano da su nekretnine desno i lijevo od predmetnih nekretnina, odnosno između puta kroz naseljeno mjesto Kotlanice i rijeke Tešanjke upisane kao posjed Sejmenović Alije Suade rođ. Sinanović i Daufefendić Alije Tahire rođ. Sinanović, a radi se o parceli br. 58/1 (s.p.k.č.br. 2731/2 za K.O. Tešanj) i parceli br. 59/2 upisane za K.O. Raduša (s.p.k.č.br. 2731/12 za K.O. Tešanj), a takođe su iste parcele i prema podacima zemljišne knjige privatno vlasništvo, uz detaljnije podatke date na Zapisnik kod ovog organa od dana, 23.12.2013.g. i dana, 23.01.2014.g.

U toku postupka provedena su dokazna sredstva i to: održana usmena rasprava na licu mjesta dana, 03. 10. 2013. g., u kancelariji dana, 26. 12. 2013. g., dana, 23. 01. 2014. g., saslušan svjedok Subašić Huso, uvid u PL br. 1720 i 2518 za K. O. Raduša, uvid u z. k. ul. br. 6322 za K. O. Tešanj, uvid u rješenje, br. O. 214/90 od 06. 11. 1990. g., te uvid u rješenje Dn. br. 549/65 od 27. 11. 1965. g.

Na osnovu provedenih dokaznih sredstava ustanovljeno je da se radi o zemljištu koje je u naravi koristio Sinanović Alija, da je isto stekao na osnovu pravnog posla, da je zemljište u posjedu Sinanović Alije od 1965. g., da je Sinanović Alija bio upisan u starom katastarskom operatu kao posjednik sve do 1981.g., da je zemljište upisano u katastru zemljišta na osnovu postupka uspostave katastra zemljišta da su podaci na snazi od 1981. g., da su parcele iza umrlog Sinanović Alije naslijedile Mešinović Šemsa i Daufefendić Tahira, da su parcele 59/1 i 59/3 upisane u katastru zemljišta upisane kao posjed fizičkih lica, da je zemljište u zemljišno knjižnom uložku br. 6322 za K.O. Tešanj upisano kao vlasništvo državna svojina sa dijelom 1/1 sa pravom korištenja Skupština opština Tešanj sa dijelom 1/1 na osnovu Rješenja o naslijeđivanju iza umrle Ferizbegović Emire, da zemljište nije korišteno od strane Općine Tešanj, da se općinsko pravobranilaštvo ne protivi podnesenom zahtjevu, to je na osnovu člana 5., a u vezi sa članom 2. Zakona o prometu nepokretnosti ("Službeni list SRBIH", broj: 38/78, 4/79, 29/90, 22/91 i "Službeni list R BiH", broj: 21/92, 3/93 i 16/94) i odlučeno kao u dispozitivu ovog rješenja.

Budući da su podnošenjem zahtjeva prouzrokovani troškovi za ovaj organ, to su u skladu sa članom 115. stav 1., a u vezi sa članom 112. stav 1. Zakona o upravnom postupku ("Službene novine FBiH", broj: 2/98 i 48/99) podnositelji zahtjeva obavezani da snose troškove postupka.

Troškovi su određeni u skladu sa Privremenom odlukom o naknadama za vršenje usluga iz oblasti premjera i katastra ("Službene novine FBiH", broj: 69/05) i Tarifom o naknadi za vršenje usluga Tarifni broj: 4.3.1. identifikacija dvije parcele naknada iznosi 60,00 KM; Tarifni broj: 4.1.3. naknada iznosi 75,00 KM; Tarifni broj: 4.2.3. naknada iznosi 75,00 KM u ukupnom iznosu od 210,00KM.

Podnosioci zahtjeva su prilikom podnošenja zahtjeva uplatili općinsku administrativnu taksu u iznosu od 50,00KM, te su dužni izvršiti uplatu navedenog iznosa na način određen kao u tački IV. dispozitiva ovog rješenja.

Protiv ovog rješenja ne može se izjaviti žalba, niti se može pokrenuti upravni spor, budući da se radi o aktu raspolaganja.

Ovo rješenje ima se objaviti u "Službenom glasniku Općine Tešanj."

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, s.r.**

**Broj: 01-31-1-2490-2/13  
Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Izvještaj o radu Općinskog vijeća Tešanj za period 01.01. – 31.12.2013. godine donijelo sljedeći

**ZAKLJUČAK**

Usvaja se Izvještaj o radu Općinskog vijeća Tešanj za period 01.01. – 31.12.2013. godine.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, s.r.**

**Broj: 01-49-2-267-2/14  
Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Izvještaj o radu Općinskog pravobranilaštva općine Tešanj i Doboju Jug za period 01.01.2013 – 31.12.2013. godine donijelo sljedeći

**ZAKLJUČAK**

Usvaja se Izvještaj o radu Općinskog pravobranilaštva općine Tešanj i Doboju Jug za period 01.01.2013 – 31.12.2013. godine.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, s.r.**

**Broj: 01-08-9-UP-01-2/14  
Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Izvještaj o radu Općinskog vijeća Tešanj za period 01.01. – 31.12.2013. godine, na prijedlog Klubova vijećnika: LDS, BPS SH, SBB i SDA, donijelo sljedeći

**ZAKLJUČAK**

Zadužuje se Općinski načelnik da pripremi Informaciju o naknadama vijećnika na području ZE-DO Kantona za narednu sjednicu Općinskog vijeća.

**OPĆINA TEŠANJ  
OPĆINSKO VIJEĆE**

**PREDSJEDAVAJUĆI VIJEĆA  
Fuad Šišić, s.r.**

**Broj: 01-49-2-267-3/14  
Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Izvještaj o radu Općinskog vijeća Tešanj za period 01.01. – 31.12.2013. godine donijelo sljedeći

**ZAKLJUČAK**

**Uz zaključke koji su sastavni dio Izvještaja o radu Općinskog vijeća Tešanj za period 01.01. – 31.12.2013. godine:**

a) Kada se ima u vidu ukupna realizacija planskih i vanrednih aktivnosti, može se konstatovati da je Općinsko vijeće u 2013. godini uspješno realizovalo svoju ulogu.



b) Većina odluka, kao i važnijih dokumenata, usvajana je jednoglasno a nijedna predložena odluka nije odbijena.

c) Postoji stabilan partnerski odnos između Općinskog vijeća i Općinskog načelnika, odnosno da se iste međusobno podupiru na zajedničkom putu realizacije politike i ciljeva u razvoju lokalne zajednice i interesa građana.

d) Aktivnost vijeća se ogleda i kroz usvojenih 98 zaključaka upućenih Općinskom načelniku i administraciji od kojih je većina realizovana, a realizacija nekih još traje.

e) U cilju transparentnosti rada ovaj Izvještaj će biti objavljen na zvaničnoj web stranici Općine Tešanj i u narednom broju Biltena, te tako dati priliku i građanima da se upoznaju i putem ove zbirne informacije o radu Općinskog vijeća Tešanj, **zadužuje se Statutarna komisija Općinskog vijeća Tešanj da pristupi izradi izmjena Poslovnika o radu Općinskog vijeća Tešanj, shodno diskusijama iznesenim na ovoj sjednici i ranijim sjednicama u pogledu teksta Poslovnika o radu Općinskog vijeća Tešanj.**

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-49-2-267-4/14  
Datum: 28.02.2014.godine**

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informaciju o stanju bezbjednosti na području općine Tešanj za 2013.godinu, donijelo sljedeći

**ZAKLJUČAK**

Ne prihvata se Informacija o stanju bezbjednosti na području općine Tešanj za 2013.godinu.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-04-1-333-2/14  
Datum: 28.02.2014.godine**

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informaciju o stanju bezbjednosti na području

općine Tešanj za 2013.godinu, na prijedlog vijećnika Fadila Halilovića, donijelo sljedeći

**ZAKLJUČAK**

Da se u narednoj Informaciji o stanju bezbjednosti na području općine Tešanj u stavki broj: 8. registrovanih motornih vozila u Policijskoj stanici Tešanj, zamijeni registriranih motornih vozila od strane Odsjeka za administraciju Tešanj sa dopunom podataka: broja izdatih ličnih karti, prijava-odjava prebivališta-boravišta, određenih JMBG, izdatih vozačkih dozvola, izdatih putnih isprava kao i građanska stanja, sticanje-odricanje od državljanstva i promjena ličnog imena.

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-04-1-333-2/14  
Datum: 28.02.2014.godine**

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informaciju o analizi položaja žena u ruralnom području na prostoru općine Tešanj u okviru Projekta „Unapređenje položaja žene na selu na lokalnom nivou u FBiH“ donijelo sljedeći

**ZAKLJUČAK**

Prima se na znanje Informacija o analizi položaja žena u ruralnom području na prostoru općine Tešanj u okviru Projekta „Unapređenje položaja žene na selu na lokalnom nivou u FBiH“ .

**OPĆINA TEŠANJ  
OPĆINSKO VIJEĆE**

**PREDSJEDAVALJUĆI VIJEĆA  
Fuad Šišić, s.r.**

**Broj: 01-49-2-345-2/14  
Datum: 28.02.2014.godine**

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informacija o stanju u poljoprivredi i realizaciji Programa novčanih poticaja u 2013. godini donijelo sljedeći

**ZAKLJUČAK**

Prima se na znanje Informacija o stanju u poljoprivredi i realizaciji Programa novčanih poticaja u 2013. godini.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Fuad Šišić, s.r.****Broj: 01-24-5-291-2/14****Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informaciju o stanju u poljoprivredi i realizaciji Programa novčanih poticaja u 2013. godini, na prijedlog vijećnika Emira Unkića donijelo sljedeći

**ZAKLJUČAK**

**Da nadležna Općinska služba u sklopu informacije, dostavlja efekte realizacije.**

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Fuad Šišić, s.r.****Broj: 01-24-5-291-3/14****Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informacija o stanju u poljoprivredi i realizaciji Programa novčanih poticaja u 2013. godini donijelo sljedeći

**ZAKLJUČAK**

**Da Općinski načelnik uloži dodatne napore kako bi se na području Općine Tešanj osigurala institucija koja će se baviti proizvodnjom otkupom, preradom i prodajom voća.**

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Fuad Šišić, s.r.****Broj: 01-24-5-291-4/14****Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informaciju o izvršenom deminiranju, trajnom obilježavanju i uklanjanju NUS-a u 2013. godini na području općine Tešanj, donijelo sljedeći

**ZAKLJUČAK**

Prima se na znanje Informacija o izvršenom deminiranju, trajnom obilježavanju i uklanjanju NUS-a u 2013. godini na području općine Tešanj.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Fuad Šišić, s.r.****Broj: 01-44-2-189-4/14****Datum: 28.02.2014.godine**

---

Općinsko vijeće Tešanj je na svojoj 16. sjednici održanoj dana 27.02.2014. godine, razmatrajući Informacija o prikupljenim i utrošenim sredstvima naknade za vatrogastvo. donijelo sljedeći

**ZAKLJUČAK**

Prima se na znanje Informacija o prikupljenim i utrošenim sredstvima naknade za vatrogastvo.

**OPĆINA TEŠANJ  
OPĆINSKO VIJEĆE****PREDSJEDAVAJUĆI VIJEĆA  
Fuad Šišić, s.r.****Broj: 01-44-2-285-2/14****Datum: 28.02.2014.godine**

---

Na osnovu člana 123. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj: 39/03, 22/06 i 43/10), člana 38. Odluke o organizovanju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Tešanj („Službeni glasnik Općine Tešanj“, broj: 2/08) i člana 30. Statuta općine Tešanj ("Službeni glasnik Općine Tešanj", broj: 11/07), na prijedlog Službe civilne zaštite, Općinski načelnik, d o n o s i

**ODLUKU O IZMJENAMA I DOPUNAMA  
ODLUKE O ORGANIZOVANJU SLUŽBI  
ZAŠTITE I SPAŠAVANJA NA PODRUČJU  
OPĆINE TEŠANJ**

**Član 1.**

U Odluci o organizovanju službi zaštite i spašavanja na području općine Tešanj („Službeni glasnik Općine Tešanj“, broj: 4/10) u članu 4. dodaje se novi stav koji glasi:

**E) Služba za zaštitu od požara** formira se u:

- Udruženjima građana; **Dobrovoljnom vatrogasnom društvu „Jelah” i Dobrovoljnom vatrogasnom društvu „Tešanj 1905”**

Služba za zaštitu od požara formira se za vršenje poslova koji se odnose na gašenje požara, odnosno spašavanje ljudi i materijalnih dobara koja su ugrožena požarom i to u:

**a) u fazi spašavanja:**

- obavlja evakuaciju ljudi, životinja, materijalno-tehničkih, kulturnih i historijskih dobara koja se u tom trenutku nalaze na ugroženom području;
- učestvuje u gašenju požara;
- u toku gašenja požara, saraduje sa drugim snagama angažiranim na gašenju požara;
- organizira gašenje požara na ugroženom području,
- obavlja spašavanje ljudi iz zadimljenih i zapaljenih prostorija i evakuira ljude iz zone požara;
- obavlja sprečavanje prenošenja vatre na okolne objekte;
- učestvuje i u drugim akcijama zaštite i spašavanja po naređenju općinskog Štaba civilne zaštite,
- u obavljanju navedenih poslova ostvaruje saradnju s vatrogasnim jedinicama koje djeluju na području požara.

**b) u fazi otklanjanja posljedica**

- osigurava požarište po završetku akcije gašenja požara,
- sudjeluje u uklanjanju uništenih sredstava na području koje je zahvaćeno požarom,
- učestvuje i u drugim akcijama zaštite i spašavanja po naređenju općinskog Štaba civilne zaštite,

**Član 4.**

Ova Odluka stupa na snagu narednog dana od dana objavljivanja u „Službenom glasniku Općine Tešanj”.

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 02- 44 - 4 -1721-2/13**

**Datum: 11.12. 2013. godine**

Na osnovu člana 130. i 131. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, broj: 39/03, 22/06 i 43/10), člana 38. Odluke o organizovanju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Tešanj („Službeni glasnik Općine Tešanj“, broj: 2/08) i člana 30. Statuta općine Tešanj („Službeni glasnik Općine Tešanj”, broj: 11/07), na prijedlog Službe civilne zaštite, Općinski načelnik, d o n o s i

**O D L U K U**

**o stavljanju van snage “Odluke o formiranju i organizovanju specijalizovanih jedinica civilne zaštite Općine Tešanj” i “Odluke o izmjenama i dopunama odluke o formiranju i organizovanju specijalizovanih jedinica civilne zaštite Općine Tešanj”**

**Član 1.**

Ovom Odlukom se stavlja van snage Odluke; “Odluka o formiranju i organizovanju specijalizovanih jedinica civilne zaštite Općine Tešanj” („Službeni glasnik Općine Tešanj“, broj: 4/10) i “Odluka o izmjenama i dopunama odluke o formiranju i organizovanju specijalizovanih jedinica civilne zaštite Općine Tešanj” („Službeni glasnik Općine Tešanj“, broj: 2/12)

**Član 2.**

Ova Odluka stupa na snagu narednog dana od dana objavljivanja u “Službenom glasniku Općine Tešanj”.

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 02-44-4-1722-2/13**

**Datum: 11.12.2013. godine**

Na osnovu člana 129. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH”, broj: 39/03 i 22/06), člana 36. i 37. Odluke o organizovanju i funkcioniranju zaštite i spašavanja ljudi i materijalnih dobara od prirodnih i drugih nesreća na području Općine Tešanj („Službeni glasnik Općine Tešanj“, broj: 2/08) i člana 30.

Statuta općine Tešanj ("Službeni glasnik Općine Tešanj", broj: 11/07), na prijedlog Službe civilne zaštite, Općinski načelnik, d o n o s i

**O D L U K U**  
**O FORMIRANJU I ORGANIZOVANJU**  
**JEDINICE OPĆE NAMJENE**  
**CIVILNE ZAŠTITE OPĆINE TEŠANJ**

**I- OSNOVNE ODREDBE**

**Član 1.**

Ovom Odlukom se formira i organizuje jedinica opće namjene civilne zaštite Općine Tešanj (u daljem tekstu: jedinica opće namjene) i utvrđuju njeni zadaci, područje djelovanja, način popune ljudstvom i materijalno-tehničkim sredstvima, obučavanje i osposobljavanje, finansiranje i druga pitanja značajna za organizaciju i funkcionisanje ove jedinice o kojima se neposredno stara Služba civilne zaštite Općine Tešanj (u daljem tekstu: Služba civilne zaštite) u skladu sa ovom Odlukom.

**Član 2.**

Jedinica opće namjene organizuje se, oprema i obučava za izvršavanje zadataka na pružanju podrške u provođenju mjera prve medicinske pomoći, za gašenje početnih i manjih požara, zaštiti od poplava, spašavanju ugroženih iz ruševina, izgradnji skloništa i zaklona, provođenju mjera RHB zaštite, evakuaciji i zbrinjavanju ugroženih i stradalih, transportu i snabdijevanju osnovnim sredstvima za ishranu, smještaj i zdravlje ugroženog stanovništva, te zaštitu životinja.

Angažuje se kao ispomoć, na obavljanju raznih vrsta poslova za potrebe službi zaštite i spašavanja, koje djeluju na području općine, kada se ukaže potreba za pružanje ispomoći tim službama ili jedinicama, a mogu se angažovati i na obavljanju raznih zadaća u akcijama zaštite i spašavanja ugroženih i nastradalih ljudi od prirodne ili druge nesreće za čije obavljanje nije potrebno posebno stručno znanje niti se koristi posebna tehnička i druga sredstva rada na obavljanju tih zadaća.

Zadatke izvršavaju na području općine Tešanj na način predviđen ovom Odlukom.

**II- FORMIRANJE, ORGANIZOVANJE I ZADACI JEDINICE OPĆE NAMJENE**

**Član 3.**

Općina Tešanj formira i organizuje jedinicu opće namjene jačine tri voda.

Pri organizovanju jedinice iz stava 1. ovog člana polazi se od potreba i uvjeta koji su utvrđeni u Procjeni ugroženosti od prirodnih i drugih nesreća na području općine Tešanj (u daljem tekstu: Procjena).

**Član 4.**

Popunu jedinice opće namjene iz člana 3. stav 1. ove Odluke, Služba civilne zaštite će vršiti prema Procjeni i potrebama na terenu.

**Član 5.**

Jedinica opće namjene iz člana 3. stav 1. ove Odluke iz svoje nadležnosti obavljaju zadatke tako što se angažuju kao podrška i pomoć u radu službi zaštite i spašavanja, i drugih struktura zaštite i spašavanja i vrše sljedeće poslove:

- 1) na pružanju prve medicinske pomoći,
- 2) na gašenju početnih i manjih požara,
- 3) na provođenju mjera zaštite od poplava,
- 4) na provođenju mjera spašavanja ugroženih ljudi iz ruševina,
- 5) na provođenju mjera RHB zaštite,
- 6) na provođenju mjera koje se odnose na evakuaciju i zbrinjavanje ugroženih i stradalih ljudi, transport i snabdijevanje osnovnim sredstvima za ishranu, smještaj i zdravlje ugroženog stanovništva,
- 7) na provođenju mjera na zaštiti i spašavanju ugroženih životinja,
- 8) na izgradnji i održavanju skloništa i zaklona.

**III- LIČNA I MATERIJALNA FORMACIJA JEDINICE OPĆE NAMJENE**

**Član 6.**

Jedinica opće namjene iz člana 3. ove Odluke se formira i organizuje formacijski jačine voda.

Formacijski sastav jedinice opće namjene utvrđeni su u Okvirmim ličnim i materijalnim formacijama štabova, jedinica i povjerenika civilne zaštite i službi zaštite i spašavanja, broj:01-02/2-187/07, od 15.05.2007. godine, koje je donio direktor Federalne uprave civilne zaštite.

Broj pripadnika jedinice iz stava 1. ovog člana, u ličnoj formaciji određuje se prema vrsti i obimu poslova koji su za tu jedinicu utvrđeni u stavovima 1. i 2. člana 5. ove Odluke.

**IV-POPUNA LJUDSTVOM I OPREMANJE MATERIJALNO-TEHNIČKIM SREDSTVIMA**

**Član 7.**

Popuna jedinice opće namjene potrebnim ljudstvom vrši se prema njihovim ličnim formacijama.

**Član 8.**

Opremanje jedinice opće namjene iz člana 7. ove Odluke vrši se propisanom namjenskom opremom i sredstvima kojima raspolaže Služba civilne zaštite.

Oprema i sredstva koja nedostaju, a predviđena su u materijalnim formacijama koje su utvrđene za tu jedinicu prema članu 6. ove Odluke, osiguravaju se putem nabavke koju vrši Služba civilne zaštite.

Nabavka specijalne i druge opreme iz stava 2. ovog člana vršit će se prema godišnjim finansijskim planovima opremanja koje donosi Služba civilne zaštite, uz pribavljeno mišljenje Općinskog štaba civilne zaštite Tešanj (u daljem tekstu: Općinski štab).

Izuzetno, do osiguranja dodatne specijalne i druge opreme iz stava 2. ovog člana, u početnom periodu rada i djelovanja jedinice opće namjene, mogu koristiti opremu i sredstva kojima raspolažu Općinski organ uprave, upravne organizacije, pravna lica i udruženja, a koja se mogu koristiti za potrebe ovih jedinica, što se vrši putem izuzimanja na način utvrđen u Uredbi o načinu davanja i vraćanja materijalnih sredstava uzetih za potrebe civilne zaštite ("Službene novine Federacije BiH", broj: 23/04 i 38/06).

**V- PODRUČJE DJELOVANJA JEDINICE  
OPĆE NAMJENE I NJIHOVO  
ANGAŽIRANJE****Član 9.**

Jedinica opće namjene predviđene u ovoj Odluci poslove i zadatke iz svoje nadležnosti, utvrđene u članu 5. ove Odluke, obavljat će na području općine Tešanj.

**Član 10.**

Jedinica opće namjene, prema potrebi i na zahtjev drugih općina i viših nivoa vlasti, može biti angažovana kao pomoć radi zaštite i spašavanja ljudi i materijalnih dobara i van područja općine.

**Član 11.**

O angažovanju jedinice opće namjene na zaštiti i spašavanju i pružanju pomoći iz člana 10. ove Odluke odlučuje Općinski štab.

Izuzetno, u slučaju potrebe hitnog angažovanja jedinice opće namjene, ako Općinski štab nije u

mogućnosti da se odmah sastane, tada angažovanje jedinica naređuje komadant Općinskog štaba. U slučaju da je komadant Općinskog štaba odsutan, ili iz drugih razloga spriječen da obavlja posao komadanta, angažovanje odgovarajuće jedinice opće namjene naređuje načelnik Općinskog štaba.

O angažovanju jedinice opće namjene prema stavu 2. ovog člana komadant, odnosno načelnik Općinskog štaba, dužni su na prvoj narednoj sjednici upoznati Općinski štab o razlozima angažovanja specijalizovane jedinice, mjestu i vremenu angažovanja.

Naredba o angažovanju jedinice opće namjene sadrži: naziv jedinice koja je angažovana, područje na kojem će djelovati, vrijeme angažovanja i obaveze Službe civilne zaštite u vezi sa realizacijom naredbe Općinskog štaba.

Služba civilne zaštite je dužna pripremiti odgovarajuće akte i druge podatke potrebne za odlučivanje Općinskog štaba.

Služba civilne zaštite je dužna redovno informisati Općinskog načelnika o angažiranju jedinice opće namjene na zaštiti i spašavanju, o vremenu i mjestu angažovanja i ostvarenim rezultatima.

**Član 12.**

Angažovanje jedinice opće namjene u odnosu na član 10. ove Odluke vrši se na zahtjev štabova civilne zaštite općina ili kantona u slučajevima proglašenja stanja prirodne ili druge nesreće na njihovom području, ali i u svim drugim slučajevima kada je njihovo angažovanje neophodno, neovisno od toga da li je u toj općini ili kantonu proglašeno stanje prirodne ili druge nesreće.

Angažovanje jedinice opće namjene na zaštiti i spašavanju u uslovima iz stava 1. ovog člana, vrši Općinski štab na zahtjev Službe civilne zaštite. Služba civilne zaštite podnosi zahtjev onda kada primi zahtjev štaba civilne zaštite kantona ili općine na čijem je području nastala prirodna ili druga nesreća, a koji traže pomoć tih jedinica.

**Član 13.**

Komandovanje jedinicom opće namjene u svim operativnim situacijama njenog angažovanja, po naredbi Općinskog štaba, vrši Komandir jedinice opće namjene, a komandovanje nižim organizacionim dijelovima jedinice (vodovima, odjeljenjima, ekipama i timovima) vrše komandiri vodova, odjeljenja, ekipa, odnosno timova predviđenih ličnom formacijom tih jedinica.

Jedinica opće namjene koja je angažovana na zaštiti i spašavanju poslove iz svoje nadležnosti vrši samostalno, a po potrebi, mogu biti angažovane i kao pomoć odgovarajućim službama zaštite i spašavanja koje su angažovane na istom području i postupaju po naredbama štaba koji rukovodi akcijama zaštite i spašavanja na tom području.

## VI- NADLEŽNOSTI SLUŽBE CIVILNE ZAŠTITE

### Član 14.

Služba civilne zaštite, u odnosu na jedinicu opće namjene iz člana 3. ove Odluke, vrši sljedeće poslove:

- 1) Predlaže ličnu i materijalnu formaciju jedinice opće namjene ;
- 2) Vršiti popunu jedinice opće namjene ljudstvom, materijalno-tehničkim sredstvima i opremom, u skladu sa ličnom i materijalnom formacijom;
- 3) Planira i nabavlja opremu i sredstva potrebna za rad jedinice opće namjene
- 4) Organizira i provodi obučavanje i osposobljavanje pripadnika jedinica opće namjene na način predviđen u članu 16. ove Odluke;
- 5) Planira i osigurava prevozna sredstva koja će se moći koristiti za prevoz pripadnika jedinice opće namjene i sredstava i opreme koje te jedinice moraju koristiti u svom radu do mjesta njihovog angažiranja po naredbi Općinskog štaba;
- 6) Planira i osigurava finansijska sredstva potrebna za naknade i druge troškove kada specijalizovana jedinica bude angažirana na vršenju zadataka iz člana 5. ove Odluke;
- 7) Vršiti i sve druge poslove koji se odnose na organizovanje, pripremanje i upotrebu jedinice opće namjene.

## VII- OBUČAVANJE I OSPOSOBLJAVANJE JEDINICE OPĆE NAMJENE

### Član 15.

Obučavanje i osposobljavanje pripadnika jedinice opće namjene iz člana 3. ove Odluke za vršenje poslova iz njihove nadležnosti, koji su utvrđeni u članu 5. ove Odluke, vrši se po nastavnim planovima i programima koje donosi direktor Federalne uprave civilne zaštite.

### Član 16.

Služba civilne zaštite organizira i provodi obuku i osposobljavanje pripadnika jedinice opće namjene iz člana 3. ove Odluke.

## VIII- FINANSIRANJE JEDINICE OPĆE NAMJENE

### Član 17.

Finansijska sredstva potrebna za obavljanje poslova iz nadležnosti jedinice opće namjene, kao i nabavku opreme i drugih tehničkih sredstava potrebnih za rad te jedinice, te za finansiranje zadataka iz člana 14. ove Odluke, planiraju se i osiguravaju u Budžetu Općine, a dio iz sredstava posebne naknade za zaštitu i spašavanje, koja se ostvaruju po članu 180. Zakona o zaštiti i spašavanju.

Finansijska sredstva po osnovu člana 180. Zakona o zaštiti i spašavanju, za potrebe finansiranja jedinice opće namjene, planiraju se u skladu sa Odlukom o uvjetima i načinu korištenja sredstava ostvarenih po osnovu posebne naknade za zaštitu od prirodnih i drugih nesreća ("Službene novine Federacije BiH", broj: 46/05 i 61/07).

### Član 18.

Finansijska sredstva iz člana 17. ove Odluke planiraju se i osiguravaju za sljedeće namjene:

- 1) Za nabavku sredstava i opreme za rad jedinice opće namjene koja je utvrđena njihovim materijalnim formacijama;
- 2) Za troškove provođenja stručnog obučavanja i osposobljavanja pripadnika jedinice opće namjene, prema planovima i programima te obuke;
- 3) Za troškove prevoza pripadnika jedinice opće namjene do mjesta njihovog angažovanja u zaštiti i spašavanju ugroženih ljudi i materijalnih dobara od prirodne ili druge nesreće u skladu s odredbama člana 11. ove Odluke, kao i za troškove koji nastanu u toku djelovanja jedinica na spašavanju ljudi i materijalnih dobara (smještaj, ishrana, naknade plaća i druge naknade pripadnicima jedinice i druge troškove) iz člana 20. ove Odluke.

### Član 19.

Služba civilne zaštite predlaže visinu sredstava koja treba osigurati u Budžetu Općine, kao i visinu sredstava koja se osiguravaju iz posebne naknade po članu 180. Zakona o zaštiti i spašavanju, za namjene iz člana 18. ove Odluke.

Finansijska sredstva osigurana prema stavu 1. ovog člana koriste se u skladu s godišnjim finansijskim planom tih sredstava, kojeg donosi Općinski štab na prijedlog Službe civilne zaštite.

**Član 20.**

Pripadnicima jedinice opće namjene, kada se po naredbi Općinskog štaba angažiraju na spašavanju ljudi i materijalnih dobara iz svoje nadležnosti, za vrijeme angažiranja na tim zadacima, pripada pravo na naknadu i druga prava utvrđena u članu 18. ,19. , 20. i 21. Zakona o zaštiti i spašavanju.

Obračun i isplatu naknada i troškova iz stava 1. ovog člana vrši Služba za finansije i ekonomiju prema zahtjevu Službe civilne zaštite.

**IX- PRIJELAZNE I ZAVRŠNE ODREDBE****Član 21.**

Dinamika i realizacija zadataka utvrđenih ovom Odlukom za formiranje, opremanje i obučavanje jedinice opće namjene vršit će se u skladu sa dinamikom utvrđenom Programom razvoja zaštite i spašavanja ljudi i materijalnih dobara od prirodnih i drugih nesreća u Općini Tešanj i prema prioritetima koji proizlaze iz potreba i Procjene ugroženosti od prirodnih i drugih nesreća.

Prioritete u realizaciji pojedinih zadataka utvrđuje Služba civilne zaštite, uz saglasnost Općinskog štaba.

**Član 22.**

Ova Odluka stupa na snagu narednog dana od dana objavljivanja u "Službenom glasniku Općine Tešanj".

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 02-44-4-3192/13**

**Datum: 25.12.2013. godine**

Na osnovu člana 29. i 106. Zakona o zaštiti i spašavanju ljudi i materijalnih dobara od prirodnih i drugih nesreća («Službene novine FBiH», broj: 29/03 i 22/06), člana 4. Pravilnika o načinu rada i funkcioniranja štabova i povjerenika civilne zaštite („Službene novine Federacije BiH“, broj:39/03 i 22/06), člana 6. Odluke Općinskog vijeća o osnivanju Općinskog štaba civilne zaštite ("Službeni glasnik Općine Tešanj", broj:1/05) i člana 30. Statuta Općine Tešanj («Službeni glasnik Općine Tešanj», broj: 11/07), Općinski načelnik, na prijedlog Općinske Službe civilne zaštite, donosi

**RJEŠENJE****O IZMJENI RJEŠENJA O IMENOVANJU  
KOMANDANTA, NAČELNIKA I ČLANOVA  
OPĆINSKOG ŠTABA CIVILNE ZAŠTITE  
TEŠANJ****I**

U Rješenju o imenovanju komandanta, načelnika i članova Općinskog štaba civilne zaštite ("Službeni glasnik Općine Tešanj", broj 5/10) u tački III. podtačka 3. riječi: "Ahmet Čaplja – za mjere sklanjanje ljudi i materijalnih dobara i spašavanje iz ruševina-spoljni saradnik," zamjenjuju se riječima: "Sabahudin Omerbašić - za mjere sklanjanje ljudi i materijalnih dobara i spašavanje iz ruševina-Služba za društvene djelatnosti i investicije.", podtačka 6. riječi: "- inspektor u Stručnoj službi Općine" zamjenjuje se riječima: "- inspektor u Službi za finansije, privredu, komunalne i inspekcijeske poslove", podtačka 7. riječi: "–pomoćnik Općinskog načelnika u stručnoj službi Općine," zamjenjuje se riječima:" PRK Općine Tešanj", podtačka 9. riječi: "Sadmir Jazvin , mjera zaštita životinja i namirnica životinjskog porijekla – JP Veterinarska stanica Tešanj," zamjenjuje se riječima: "Amel Alić , mjera zaštita životinja i namirnica životinjskog porijekla – Veterinarska stanica d.o.o Tešanj," podtačka 10. riječi: "Izudin Alić," zamjenjuje se riječima:"Mirsad Šaranović," i podtačka 11. riječi:"pomoćnik Općinskog načelnika za finansije i ekonomiju," zamjenjuje se riječima: "pomoćnik Općinskog načelnika u Službi za finansije, privredu, komunalne i inspekcijeske poslove".

**II**

Ovo rješenje stupa na snagu danom donošenja, a objavit će se u "Službenom glasniku općine Tešanj".

**OPĆINA TEŠANJ  
OPĆINSKO VIJEĆE**

**OPĆINSKI NAČELNIK  
Suad Huskić s.r.**

**Broj: 07-44-5-2192-8/10**

**Datum: 05.02.2014. godine**

Postupajući po zahtjevu od 30.01.2014. godine koji je podnesen od strane Emire Arnaut, Marijane Šimunić i Fadile Bajrić, te na osnovu člana 10. stav 4. Zakona o udruženjima i fondacijama Federacije BiH ("Službene novine Federacije BiH" broj 45/02) i člana 30. Statuta Općine Tešanj ("Službeni glasnik

Općine Tešanj" broj 11/07) Općinski načelnik donosi

**R J E Š E N J E**  
**o odobrenju za unošenje i korištenje naziva**  
**općine Tešanj**

**I**

Daje se odobrenje za unošenje i korištenje naziva općine Tešanj u naziv: "Udruženje građana oboljelih od karcinoma dojke i drugih malignih oboljenja općina Doboj Jug, Usora i Tešanj".

**II**

Odobrenje se izdaje za potrebe registracije navedenog udruženja kod nadležnog ministarstva za pravosuđe i upravu.

**III**

Ovo rješenja stupa na snagu danom donošenja a objavit će se u "Službenom glasniku Općine Tešanj".

**OPĆINA TEŠANJ**  
**OPĆINSKO VIJEĆE**

**OPĆINSKI NAČELNIK**  
**Suad Huskić s.r.**

**Broj: 02-49-1-143/14**

**Datum: 30.01.2014. godine**

Na osnovu člana 7. stav 1. Zakona o javnim nabavkama Bosne i Hercegovine ("Službeni glasnik BiH", broj: 49/04, 19/05, 52/05, 94/05, 8/06, 24/06, 70/06, 12/09, 60/10 i 87/13), člana 5. Uputstva o primjeni Zakona o javnim nabavkama Bosne i Hercegovine ("Službeni glasnik BiH", broj: 3/05 i 24/09), te člana 30. Statuta Općine Tešanj („Službeni glasnik Općine Tešanj“, broj: 11/07), Općinski načelnik donosi:

**R J E Š E N J E**

o imenovanju komisije za nabavku

**I**

Imenujem komisiju u slijedećem sastavu:

1. Kanita Gredelj, predsjedavajući komisije
2. Nihad Hadžismajlović, član komisije i ujedno zamjenik predsjedavajućeg
2. Sedad Alićehajić, član komisije
3. Alma Begić-Hondo, kooptirajući član komisije
4. Selma Mešić, kooptirajući član komisije
5. Nurudin Tahirović, kooptirajući član komisije

Administrativne poslove za Komisiju vršit će:

1. Zijad Spahić, sekretar komisije
2. Jasminka Ibrić, kooptirajući sekretara komisije

**II**

Predmet nabavke je: **Ljetno održavanje cesta i objekata i uređaja javne rasvjete na području općine Tešanj za 2014. i 2015. godinu.**

**III**

Zadaci i ovlaštenja imenovane komisije i sekretara su da:

Izvrši prihvatanje ponuda i predmeta iz tačke II. ovog Rješenja (zadatak predsjedavajućeg komisije).

Pristupi otvaranju ponuda dana 25.03.2014. godine (utorak) u 13,00 sati u sali Općinskog vijeća, nova zgrada Općine, drugi sprat, nakon potpisivanja izjave o nepristrasnosti i povjerljivosti.

Izvrši otvaranje ponuda iz predmeta nadmetanja u prethodno navedeno vrijeme i navedenom mjestu (zadatak predsjedavajućeg komisije).

Dostavi zapisnik sa otvaranja ponuda svim ponuđačima u zakonski predviđenom roku (zadatak sekretara komisije).

Na zasebnoj sjednici izvrši ocjenu ponuda, te sačini i dostavi Općinskom načelniku zapisnik sa ocjene ponuda uz obrazloženu preporuku za najpovoljnijeg ponuđača. Rok za dostavu zapisnika sa ocjene ponuda je maksimalno 10 (deset) dana prije isteka roka važnosti ponuda.

Da zatraži opravdanje ponuđene cijene od ponuđača u slučaju neprirodno niske cijene ponude (zadatak predsjedavajućeg komisije).

Da poduzme i ostale potrebne radnje u proceduri nabavke (u okviru otvaranja i ocjene ponuda), u skladu sa zakonima i propisima koji regulišu ovu oblast.

Da aktivno rade po eventualnim prigovorima i žalbama ponuđača zajedno sa nosiocima aktivnosti procedure javne nabavke (konsultacije, mišljenja i slično).

**IV**

Mandat komisije traje zaključno sa okončanjem svih poslova koji su navedeni u tački III.

Mandat komisije prestaje po zaključenju ugovora o nabavi ili po donošenju odluke o prekidu procedure javne nabavke.

**V**

Rješenje stupa na snagu danom donošenja.

**OPĆINA TEŠANJ**  
**OPĆINSKO VIJEĆE**

**OPĆINSKI NAČELNIK**  
**Suad Huskić s.r.**

**Broj: 02-49-1-350-1-4/14**

**Datum: 24.02.2014. godine**



# S A D R Ž A J

## I - AKTI OPĆINSKOG VIJEĆA

	<b>Strana</b>
27. Odluka o izmjenama Odluke o posebnim uslovima rješavanja statusa izgrađenih objekata.....	64
28. Odluka o utvrđivanju javnog interesa za izgradnju primarnih kolektora sistema prikupljanja i odvodnje otpadnih voda na području općine Tešanj.....	65
29. Odluka o usvajanju i pokretanju aktivnosti radi privođenja namjeni Idejnim projektom prikazanog koncepta izgradnje javne garaže na lokalitetu benzinske pumpe INA kod stambenog naselja Simetrale u Tešnju.....	65
30. Odluka o objavljivanju Javnog oglasa za imenovanje članova Općinske izborne komisije Tešanj.....	65
31. Javni oglas za imenovanje 4 člana Općinske izborne komisije Tešanj.....	66
32. Rješenje o imenovanju komisije za provođenje postupka za imenovanje članova općinske izborne komisije.....	68
33. Rješenje o promjeni upisa na zemljištu državne svojine sa pravom korištenja Skupština opštine Tešanj u korist Mešinović (Alije) Šemsa.....	68
34. Zaključak - Usvaja se Izvještaj o radu Općinskog vijeća Tešanj za period 01.01. – 31.12.2013. godine.....	71
35. Zaključak – da Općinski načelnik pripremi Informaciju o naknadama vijećnika na području ZE-DO Kantona.....	71
36. Zaključak – da Statutarna komisija pristupi izmjeni Poslovnika o radu Općinskog vijeća Tešanj .....	71
37. Zaključak - Usvaja se Izvještaj o radu Općinskog pravobranilaštva za period 01.01.2013 – 31.12.2013. godine.....	71
38. Zaključak – Ne prihvata se Informacija o stanju bezbjednosti na području općine Tešanj za 2013.godinu .....	72
39. Zaključak - da se u narednoj Informaciji o stanju bezbjednosti iznijeni stavka br.: 8. registrovanih motornih vozila	
40. Zaključak - Prima se na znanje Informacija o analizi položaja žena u ruralnom području na prostoru općine Tešanj u okviru Projekta „Unapređenje položaja žene na selu na lokalnom nivou u FBiH“ .....	72
41. Zaključak – Prihvata se Informacija o stanju u poljoprivredi i realizaciji Programa novčanih poticaja u 2013. god...	73
42. Zaključak - Da nadležna Općinska služba u sklopu informacije, dostavlja efekte realizacije.....	73
43. Zaključak – da se na području Općine Tešanj osigurala institucija koja će se baviti proizvodnjom otkupom, preradom i prodajom voća.....	73
44. Zaključak - Prima se na znanje Informacija o izvršenom deminiranju, trajnom obilježavanju i uklanjanju NUS-a u 2013. godini na području općine Tešanj.....	73
45. Zaključak - Prima se na znanje Informacija o prikupljenim i utrošenim sredstvima naknade za vatrogastvo.....	73

## II - AKTI OPĆINSKOG NAČELNIKA

10. Odluka o izmjenama i dopunama odluke o organizovanju službi zaštite i spašavanja na području općine Tešanj.....	73
11. Odluka o stavljanju van snage “Odluke o formiranju i organizovanju specijalizovanih jedinica civilne zaštite Općine Tešanj” i “Odluke o izmjenama i dopunama odluke o formiranju i organizovanju specijalizovanih jedinica civilne zaštite Općine Tešanj” .....	74
12. Odluka o formiranju i organizovanju jedinice opće namjene civilne zaštite općine Tešanj.....	75
13. Rješenje o izmjeni Rješenja o imenovanju komandanta, načelnika i članova Općinskog štaba civilne zaštite Tešanj.	78
14. Rješenje o odobrenju za unošenje i korištenje naziva općine Tešanj (UG oboljelih od karcinoma.).....	79
15. Rješenje o imenovanju komisije (Ljetno održavanje cesta i objekata i uređaja javne rasvjete za 2014.i 2015.godinu)..	79

